

Die Nagglmaiern.

Es mer heit
an unser drei
Weihnachts-
festschtag
kumme, hätte
mer noch en
annere
festschtag
mitnanner zu
verarweite!

Ich meen
nämlich den
Heidberger
festschtag zur
Erinnerung
d'r Schlacht
bei Nuits,
der am Mon-
dagoabend
in d'r Har-
monie g'fei-
ert worre is.
Mein Mann
als guter Pa-
triot warnat-
terlich aah
dabei, un is



schät Nachts innere Begeisterung heerkumme, die
gewesche war. So hab ich'n larg nit vor mein Bett
rundorgle sehe. — Lieb Vatterland, fangt'r au zu singe,
kannst ruhig sein, in d'r Harmonie is g'stosse sehr
viel Wein! Un zwar nit allein in die Kehle, sondern
aah a us de Kehle! Des war e Festsch, Alti, e Festsch,
so eenig, so briederlich, so harmonisch haw ich noch
kens mitgemacht. Die Weindhräne d'r Rechnung laase
mer aweil noch de Bude nunner! Ma merkts aah
gleich, wann e paar Gerwer in so'me Festschomitee sinn.
Do werd gegerbt nooch Notte. Bei dem Festsch have
iwerigens nit alleen werliche Gerwer, sondern aah noch
annere Vatterlandsvertheidiger sich noochdräglich mit
d'r Gerweri abgewe un zwar nit allein im Festschsaal,
sondern sie hawe 's G'schäft bis weit uff die Gass naus
fort'g'setzt. — D'r Glanzfestschpunkt, segt mein Mann,
ware awer die Redde, die g'halte worre sinn. So hott
per Exempl unser deitsch Herz so e scheeni Redd g'halte,
das gleich e paar vor Niehrung umg'falle un uff die
Gass gedraage worre sinn. E Paar annere ware so
bewegt, das se sich enanner nausg'schmisse hawe, un
nit zum Opfer ihrer schluchzende deitsche Herzschees zu
werre. Vor Wehmuth sinn se dann im Festschsaal um-
g'falle un ligge geblive. Nah unsern deitsche Kaiser
un Großherzog hawe se zu letsch leewe losse. Also
sein arranshirt, Fraa! Heerscht de's? Schloof norr
nit ein. Ich hab d'r noch mehr zu verzähle. Haus-
schliff. Red, Hiet un Schteck sinn natierlich beim Aus-
enannergehn zaunerhaft verwechselt worre, so das zu-

letsch Keener mehr gewist, ob'r als Meedl odder als
Bu zu dem Festschesse kumme is. Gans un Ente gut,
alles gut, ware dann zum feierliche Schluß nit alleen
all die Gäscht, sondern aah d'r Werrth mit sammt de
Kellner voll wie die Nachteile! — Des war die wir-
dig Feier d'r Schlacht bei Nuits, Savine, segt mein
Mann, un fallt um wie'n Sack, so das ich'n in's Bett
hab schleppe misse. — Nooch dem würdige Festschbericht,
Leitche, hawe mer also gar nit neethig, 's nei Litter-
moos einzufehre, dann ich merk, das unser Männer
aah beim alte Moos recht litterlich drinke kenne.
Unsern birgerliche Festschomitee d'r Schlacht bei Nuits
meegt ich awer, for de Fall der Dag 's neestsch Jahr
widder g'feiert werd, zu bedenke gewe, ob's nit besser
wär, unser Vatterlandsvertheidiger kinstig bei der Ge-
legenheit mit Bier, des nit so in de Kopp geht, zu re-
galiere. Uff die Art dhät vielleicht 's Andenke an un-
ser g'fallene Landsmäner nichterner un würdiger be-
gange werre, als wie Figura zeigt! —

Nun Iwerigens vun de Volksreedner in d'r Har-
monie heit noch uff'n Volksreedner im „Anzeiger“ zu
kumme, Leitche! Der Dialog, der neilich in dem Blatt
g'schtanne, un in dem eener vun zwee Philisther segt:
Mein Herr, ich bin e Gesl — dirst so ziemlich bekannt
sein. Ich bin awer schon e paar Wool vun verschie-
dene Seite g'froogt worre, ob ich dann nit wist, wer
mit dem Gesl im „Anzeiger“ dann eigendlich angepact
odder uff'm Babier festschgegrallt werre soll? — Ja,
sag ich neilich zu so'me Naseweis, do mist ich viel
wisse. Ich wees norr von Anno 48 her, das Genere
e langi Redd g'halte, un wie'r fertig war, nit mehr
gewist, was'r eigendlich sage hott wolle odder g'sagt
hott. Uff die Entdeckung hin is dann en annerer Red-
ner uff die Dribin g'schbrunge un hott g'sagt: Meine
Herrn, ich bin e Gesl! — Ob un wie awer der 48iger
Gsl mit dem 71iger Gsl im Anzeiger am Schwanz
zamme heunt, wees ich nit! —

Soodele, Leitche! Un jetzt wünsch ich glückliche
Feierdäg! Morge Dowend geht d'r heilige Nikolaas
mit'm große Weihnachtsack in d'r Schtadt rum. Greift
zu, wann'ern uffmacht. Awer braktisch, Leitche! Norr
braktisch, was d'r eich enanner b'scheert. Ke Gselgemeld
an die Wand, wo d'r Bettlach heunt. Ke Rehschläggl
uff de Weihnachtsfestschidisch, wo ke Säfteentohle im Kel-
ler ligge, un ke Rannallieveggl in goldene Käwig uff-
g'henkt, wo d'r Wind durch die verbroche Festsch-
scheib peist. Wann norr ich de heilige Nikolaas wär,
Leitche.

Wann ich de heilige Nikolaas wär,
Mir dhät die Wahl nit werre schwer;
Ich wist, Ihr Leitche, ganz gewis,
Was Manchem Morge neethig is!
Wer Zähn hott, frägt mer harte Miß,
Wer kee hott, frägt e falsch Gebiß!
Un die kee Hoor mehr uff de Keyß,
Die frägte Barrike un falsche Zeyß!
Norr braktisch, weiter hott's ke Zweck —
Wer hott kee Veggl, braucht ke Heck.

Druck und Verlag von G. Geisendörfer.